

西南稀見叢書文獻

第十六卷

中國西南文獻叢書

中國西南文獻叢書
第十六卷
西南稀見叢書文獻

104266

829 1.5 / 95 : 16

20162

中國西南文獻叢書·第二輯

西南稀見叢書文獻

第十六卷



本輯主 編：戴文年

陳訓明

陳琳

【民國】任可澄等 輯

黔南叢書

十六

人參 鹿茸
燕窩 魚翅

本卷目錄

平黔紀略 中

〔清〕羅文彬 王秉恩撰……………

一

【清】羅文彬 王秉恩 撰

平黔紀略

· 中

黔南叢書第五集

平黔紀略

據羅氏家藏鈔本校印

平黔紀畧卷九

黔南叢書第五集

貴陽羅文彬
華陽王秉恩 編纂

同治元年壬戌春正月于鍾岳趣張師散吳元彪等擊

毀皂角堰新舟賊營

遵義東九十里距堰三里

自移軍皂角堰賊

旋走潰鄢慶廷宋家壩營于鍾岳遣軍援亦敗退花

山

東七十里

賊趨禹門寺

遵東七十五里距綠塘

圖出綠塘河阻

鐔道高台

湄潭屬西五十里

審上

湄屬西四十里東距高台十里三度關東十里賊

愈肆自三度關至東北麻家壩

凡百七

五里坎至綠

塘河

凡九里

皆賊十一日副將劉元勳聞警始援至櫻

桃均于鍾岳旋馳敗綠塘賊與元勳相距四十里復

遣胡先科等攻李家壩遣元彪及胡先海等攻大壩

遵東八里 闌牛坎 遵東百里 蕭家壩 遵東陽南四十里 右路

諸賊營皆下之方率師敬等由中路攻禹門而左路

宗漢遽敗退南平再退戲子灘 遵東九里 又退茶園三

日連退四十餘里南鄉皆驚 天柱土賊姜映芳復

起以龍海寬稱偽帥結苗賊據天柱印水思州界曾

璧光乞援 二十日韓超至任巡撫奏黔省情形力

陳提臣田興恕既擊粵匪出境苗教亦次第翦除近

韓奏所以
映興恕耳
抑慮有他
變耶

省現無伏莽抽收釐金漸有成效就田抽穀以資軍

食功歸實用民皆樂從時勢多艱人才實難該提臣

雖年輕資淺才大心虛臣自問遠不能及平日有所

進言極能採納云云 羅孝連趙國澍畢大錫等招

降王家寨苗衆進剿盜鱗甲

後瀾大河距永甯三十里

阿由寨

永甯

東

斷窩魁者斗

永甯東距石寨八里

諸夷寨皆先後下黃果

樹大道始通 塘頭賊北走思南逼府城熊煥章馳

援同遊擊李騰蛟候選同知饒以爵等卻之賊分黨

擊潰舉人楊大鏞團營至石家場

石阡東八十里

二月楊夢巖擊破楓平哨溪賊回營浮礪口

石阡北
十里

進

剿雷神槽

思南屬石阡
東三十餘里

初五日賊分道出犯夢巖亦

分軍迎戰而以副將吳通才間道襲賊營破二卡中

槍陣沒夢巖率軍憤擊斬殺頗多賊始退會扼檬子

坳之遊擊陳友賓郭得勝以賊逼棄營走回城中皆

驚徐達邦亟商劉義方分軍守 初四川總督駱秉

章奉上諭有人奏田興恕擁兵玩寇縱吏殃民一摺

稱田興恕授爲欽差大臣後志得意滿不以勦賊爲

事兼署巡撫益加荒淫肆無忌憚思南石阡等府均

被賊據賊蹤距省只數十里田興恕擁兵高臥置若罔聞惟信任紳員如所保之錢登選冷超儒等惡索釐金之數倍於物價民不聊生又有謝葆齡張心培皆以刑幕冒功貪利一切奏摺皆出其手各已保至監司大員等語田興恕起自行間朝廷破格錄賞若因驟至高位不但不能留心吏事並於軍務亦復不以爲事是以有用之材轉爲無用駱秉章自湖南入川於該員材器諒所素知如果黔省軍務不過苗土等匪能得賢良巡撫將地方整頓與提臣合力辦理

即可蕩平卽毋庸設立欽差大臣轉能責令田興恕披堅執銳所向有功是於該員既能保全而黔省軍民亦實受其福著駱秉章亦卽迅速妥籌具奏潘鐸簡授雲貴總督現已出黔京省是其專轄地方將來道出蜀中將田興恕被參各節及黔省一切應辦事宜一並商同駱秉章奏明辦理並卽查明思南石阡等郡賊氛如果逼近省垣田興恕未能籌辦卽行飛咨該大臣迅速統兵出省將被陷郡縣剋期收復不得以居中調度爲名自耽安逸並卽告以該大臣現

掛彈章至再至三倘再不知振作定必自干罪戾也
原摺着鈔給閱看欽此秉章以咨韓超至是超奏留
興恕畧曰提臣田興恕恭讀諭旨卽痛自刻責擬將
欽差大臣關防奏請恭繳以息浮言臣以欽差大臣
之設原爲督辦軍務以一事權今征兵四出管帶者
多專閫大員若遽請繳關防未免有減威望設將士
因之生玩地方官又不聽節制殊於軍務大有關礙
且該提臣自到黔以後力掃逆氛兼除粵匪軍務大
有轉機兼署巡撫凡講求吏治整頓地方均無貽誤

所保各員亦皆實心任事克顧大局現在賊蹤已遠
思南石阡亦無被賊占據之事惟上下游未復諸城
尙有一十四處該提臣前恐顧此失彼故暫行駐省
督辦以期隨處策應茲欽奉諭旨無論何處緊急自
當親往督勦至抽收釐金原係協濟軍餉公而且溥
毫無苦累日來民間誤聽傳言謂田興恕將移師他
省遠近百姓赴臣衙門紛紛請留者甚多臣查黔事
非該提臣不能成功而欲收成效又非事權歸一終
難得力應請敕下田興恕毋庸請繳關防庶辦理無

虞擊肘於軍務更有裨益先是興恕風聞被劾致書秉章願率三千人赴川助剿以贖過並歸秉章節制秉章據情入奏卽咨催興恕迅速起程超方出奏秉章適咨催至於是超再奏留畧曰提臣接閱川咨卽擬調集兵勇親身督帶赴川會剿詎民間一聞此信百十成羣向提臣行寓及臣衙門哀求僉稱黔中賊尙未平伊等與田興恕相依爲命等語臣再三開導懇求益切嗣許以據情入告始各散去伏思全黔百姓實爲田興恕是倚一經移動患有不可勝言者黔